

四庫全書

集部

欽定四庫全書

御製詩三集卷四十二

古今體一百十五首

甲申八

賦得坦坦蕩蕩

延樓臨城牆可見山田及閭閻况

皇祖御額懸於正中敬賦五言用詔千禩

履卦幽人吉箕疇王道崇四言標合撰萬古示

深衷識矣其君子廓然惟大公對時八節序應物七情

同煙火隨民便山田待歲豐

二語藥拈
祖御書樓中聯

皇
翹瞻仰

雲日祖述念何窮

登綺望樓

樓稱綺望目堪窮詎在松青與柏紅城俯閭閻計安永
田芄禾黍為祈中火煙蔀屋年年庶雞犬山村處處通
今日登臨真有幸勝常萬寶速歌豐

瑩心堂

萬機惟一心堯典曰明欽譬以旃摩鏡猶之模範金虛

堂池上靜秋水面前臨翹首瞻

奎畫

聖人詔我深

題宿雲簷

時零夜雨便朝晴於潤於暄總愜情似此宿雲真大當
既叨實惠任循名

學古堂

山靜曾聞太古如書堂又貯古來書千秋興廢明昭彼

兩字憂勤益切予敢曰遊觀斯樂亟亦惟仁智寓幾餘
說言原在務時敏訓注寧誇蟲與魚

再題敞晴齋

夜雨必朝晴敞齋真暢情霽煙幻峯嶺爽籟舞榛荆庭
鶴飛還落石泉響處明晚歸那須燭新月正相迎

繪韻樓

開著樓窓納萬山丹青妙處豈人間試看氣韻含生動

筆法羞他王

蒙與關全

碧靜堂

借問山深趣
山深靜有餘
九霄懸碧照
萬慮盡空諸
側牖窺蒼鹿
倒泉飛錦魚
夕陽片時落
幻作紫金蕖

靜賞室

言靜莫過周易著詮曰有濂溪乾坤易簡合撰形神善
惡斯齊樂水樂山仁智秋風秋月端倪造物四時無盡
餘閒惟古與稽

題陳書長松圖

壁畫長松三百年

見畫中
自識語

真松窓外綠參天兩翁不識

誰兄弟照影疑如立鏡前

桂

氣暖花遲放粟胎纔漸黃依然江國候誰曰塞山涼雅
愛扶疎格惟思道路長蟾宮原有約應節自芬芳

體物

春花暖則開秋花寒則放得氣異金木物物與无妄待
暖易為煦禁寒艱相入抗以此衡厥品春較秋應讓魏

聲

徵猶斌媚董宣特強項叶花有人豈無摘詞寫其狀

晚荷

益張徵玉露衣振拂金風飛韻涼雲表揚猗塞浦中何
當仲秋月翻看十分紅臺訝思仙上淮南見八公

千山

千山秋未深曦光颺明翠散步入叢樾谷賈越佳致本
因即鹿來翻似友鹿至重華歷下居東坡赤壁莅沛然
實所欽洒然亦所愧我非煙霞人意愛煙霞寄

再題秀起堂

一逕翠中分山堂迥出羣何當坐九夏無事讀三墳
土已成石噓煙便作雲忽看盆桂設去歲此清芬

經畬書屋

古帙清秋宛可親優游饜飫靜無塵忽然欲問經畬者
誰是不徇名利人

靜練溪樓

昨夜秋空纔過雨今朝山閣下成溪恰如練影知看待

觸興能無一再題

罨畫窓

凌虛書屋枕崇巒
畫意當窓無盡觀
今日居然欣叔見
峇窵宮塔綠雲端

山心精舍

四鄰青障護一逕
白雲穿精舍花宮側
虛窓月宇懸
松期合抱放鶴任昂肩
憩坐觀元化
錘峯正面前

松壑間樓

山抱偏欣水復環
清秋為我闢林關
坐來底覺衣襟颯
樓在長松大壑間

餅貯桂枝荷朶恭進

皇太后并為圖以紀其事

底識山莊駐景長
荷花紅映桂花黃
亞餅香色都清淨
益算先應獻

壽康

熟

仲秋如仲夏候長向所無黃雲禾穗登白雪蕎花鋪單
衣卓午更嘉蔭披風殊早晚原爽涼何礙清遊娛似此
太如願得毋心放乎子輿善言學曰收一字模

氣候

氣候自南北其言將無然予年十一二仲秋必木蘭其
時鹿已呦皮衣冒雪寒及卅一二際依例往塞山鹿期
已覺早高峰雪偶觀今五十三四山莊駐蹕便哨鹿待
季秋否則弗鳴焉都大廿年中暖必以漸遷語罷自復

疑得半非得全此固宇宙來所有山與川太古至今日
不知幾魄淵審如向所云暖過北溟壖邵子天津橋怪
語非正詮或者人煙輳以致默轉旋協時將育物不息
惟惕乾

中秋夕走筆成什

輕陰通晚忽開晴月與中秋太有情乍上錘峰猶隱現
旋臨鈞宇大光明萬家鎧火今宵盛小部笙歌舊例呈
如此清涼如此節可能憇爾置吟評

題王蒙長松飛瀑

玲瓏山吐高低瀑磊落松翻上下風生面愛他引奇句

底須真蹟定王蒙

圖中飛泉出辟穴中雖別具生面宛不似大家合作筆法亦覺微嫩恐非

山樵真蹟
因并識之

細雨

八月十六日

細雨有聲不見絲千林惟覺潤含滋
旬餘快霽資收穫
蔬圃欣茲又及時

清風

迎面吹來濕且涼
冷冷淅淅賜煙光
茂林避雨權教坐
解送山花一段香

再題空翠書樓

書樓曾是不恒來
來亦何嘗坐久陪
今日無端消半刻
秋霖有意博吟裁
迎襟颯爽掀簾入
謀目溟濛共牖開
得句肩與原即去
於凡淹繫底為哉

對畫亭口號

疎不嫌稀密不遮
玻璃虛朗勝窓紗
今朝謁爾逢秋雨

畫意從新換米家

半月湖

倒壁影青螺名應藉玉娥汀蒲尚惹翠岬柳自婆娑飲
去鹿來蹤夥遊魚樂趣多列谿山水發不月湧金波
聲

晴

昨朝徹日雨忽密忽疎霏侵曉驅雲散燭炎送爽歸農
夫將獲稼獵騎速行圍豈不欣時若怵哉盛滿機

詠古

呂氏著春秋其言頗近理出車入則輦伯慶機由此枚
乘作七發猶不失斯旨高誘何務奇翻謂乘謬鄙慶機
訓門內曾未聞經史既曰出與入豈門內而已伯為癡

騃貌慶逆疾同痿乘辭實警佚誘注未精揣

按枚乘七發出與入

輦命曰慶痿之機正引呂氏春秋取務以自佚之指為
楚太子下砭而高誘好奇改注乃以慶機訓門內之位
其說於經籍既無可據而所稱宮中游翔於出入云云
尤極矛盾即謂乘改呂氏伯慶之機為慶痿之機文似
小變然攷伯字集韻曰固滯貌說文曰癡貌讀如騃而
呂氏原書又有處足為慶為痿之語不惟於義無闕抑
且於文允符誘強作曉事恐貽誤方來不可以
不辨而李善輩收入選註亦可謂失精核矣

山中恒

步行蓋欲自砭耳懷古詠其事文固難言矣

登四面雲山亭子

到來彌月始言登曰不踈慵信孰憑半為少間半艱詠
因他地占最高層

縱目朗然更肆然萬山高下拱階前凌空颯沓天風落
疑是廣寒奏管絃

秋字寥蕭秋日晶秋雲片片逐風行今朝一踐秋山約
萬樹當秋自賦聲

啓蹕明當往木蘭索酬吟興陟崇巒笑他玉局非精詣
高處瓊樓何礙寒

嘲鶴

鶴翼已長成翔翥皆由已朝騰山城外暮宿山城裏如
此清涼境信足安汝止而何意忽遷竟自忘歸矣啄粟
山田間夜遇守田子捕捉將來獻鶴願愧有泚因憶昌
黎言歎羨古之士或於周不可秦楚可之仕彼其熱中
流尚識去無地叶吐哉青田姿胡乃昧此理

留京王大臣奏報得雨並秋成豐稔詩以誌慰

自春徂夏逮新秋時若情知將稔收未及登場尚繼念

近作有眼見康年歌玉塞
繼懷閩內可相同之句

乍披奏牘喜盈眸橫陳糧價

皆稱減

王大臣及府尹奏到各種糧價單較核
上月每石自減一錢至二錢五分不等

迴憶心

期幸已酬嘉霽更欣霑五寸翻犁尤利種冬甦

熱河啓蹕往木蘭作

雨過沙溪潦水收川原銍艾喜迎眸興飛捺鉢初排駕
願愜甌窶幸滿篝守吏分疆遞來接村民生計自為謀

輕於什一山田賦莫慢催科事苦求

輕陰

輕陰忽送一川涼雲過旋披暖異常近野菜蔬葉茂綠

遍山禾黍穗垂黃虞人殫虎村民喜

濟爾哈朗圖旁近山勢峭稜有虎傷

犬豕及人前驅連斃其二一尤大前掌側在村民言向所見蹤良是巨害永除莫不稱快

春種驅牛

秋穫償誰曰塞蒐特行樂幾多農務藉諮詳

阿穆呼朗圖行宮作

一由旬里路非遙滿谷秋田倍覺饒數字軒庭頗足憩

千廬竿幟各為招石泉陡澗銀拖界霽景崑峰翠落標
甌研適當神謚處閒來摘句亦清超

進伊瑪圖口行圍即事

今歲應西進溯源伊瑪圖雖云小獵試

初進圍場交界
與其就道閒行

遂命小
試獵騎

即是大蒐模駿馬天山換

於烏梁海買駿馬
至即於圍中試射

蒼

鷹曠野呼馳麇斃一矢差不負彎弧

是地尚近村莊獸
殊少適有一麇馳

至發矢
斃之

八月廿六日蒙古王公等獻宴即席得句

資生四種既繁稠

蒙古以馬駝牛羊四種為資生之具

更喜谷間稼稔收

內扎薩克今亦大半種藝并招致農民収田租之利矣

朋酒稱觥遵往歲霽雲覆

幕讌中秋千山錦繡高低疊一水笙簧宛轉流綽爾齊

終蒙古彈火不思吹笛奏曲謂之綽爾齊

觀灑馬

即詐馬俗謂之騎達驛

古風偏愛

以時修

霜

八月廿九日

秋暄建北哨青女始行霜亦不須鴻信本無礙雁行

謂獵

騎佈欣催鹿期到

鹿必待霜降天涼而後答鳴

初覺繭衣涼續事誠

後素千林錦旋

去聲張

古長城

延袤古長城東西數萬里其說出蒙古克勒木迤邐

蒙古

語謂城牆為克勒木

漢書稱龍堆彷彿疑即此蜿蜒走山川見田

豈謬擬向曾為之記淺言挾深理天地自然生南北限以是設云人力為早應就墮圯然今果限誰內外一家矣

重九日作

詰旦

仙廬侍膳迴芳筵重九列藩陪恰欣紅葉迎霜染漫惜

黃花背節開嶺峙巴顏秋富麗

蒙古語巴顏謂富西嶺之名即明日獵場

圍哈納石崔嵬

蒙古包圍牆謂哈納是峯之故得名駐營即在峯下

欲詢千古

登高客誰到興安頂上來

暖

興安草猶綠細毳獵中原曉祇輕霜點午常暖日溫鹿

聲雖遲

去聲待也

冷馬牧實資暄

暄則草綠而肥宜牧馬

南望耕桑地

宜農不待言

雨

九月十日

木蘭九月雨秋暖實殊常萬嶺迷煙意千林翻濕光佈
圍難更罷閑獵審何妨片刻風雲捲晴生滿谷涼

柳條邊

盛京柳條邊木蘭建一致彼乃亘界設此惟據要置所
以限内外事殊實同意周遮禽獸山匪牟耕桑地麋鹿
穿誠甚雉兔往斯愧

孟子斥齊國曰為穿稱文固曰同
民其辭皆已甚而害意木蘭原有

盜獸之罪重亦不過發遣豈有如殺人之罪之理然誠使雉兔芻蕘者羣往而不禁則民將爭占相攻久而雉兔芻蕘之地且不可得矣

獵罷出崖口柳條尚餘翠守

吏邊外迎

出柳條邊則掃除皆地方有司董之非圍場章京之事矣

孰不遵茲制猶

然上古風示此結繩治

出哨

出哨歷山田納稼率已畢町疇圃場間崇墉積一律往歲霜降早晚蕎或致失今歲霜降遲收蕎倍堅實隴蜀望全副索綯葺廬室不飢自鮮盜村村樂寧謐椎髻蓬

頭輦迎蹕里門出爾我誠何脩幸茲遇豐吉

瓦雀

瓦雀信何謂其性依屋居有屋處有雀無屋雀亦無萬
物其性靈易簡成中孚夢醒尚昧爽啼啁窓前呼始悟
宿行宮曉景非羶廬

迴蹕至避暑山莊作

乘時大獮木蘭迴三日仙莊擬暫陪

擬於此駐蹕
三日憩衆

彌月

看他纔眼瞥百年例此得心開樹餘綠葉因山暖菊有

黃華傍砌栽靄靄明窓上曦影箇中依舊引吟裁

晚桂

山莊仍有桂花黃今歲餘暄迴異常曾見中秋微吐粟
為去聲婪迴蹕久舒芳色惟卉裏元吉色香是風前勝妙
香不識江南似茲否苑枯遲速耐評量

樂成閣

村村比櫛更崇墉攬景城樓喜動容今歲秋成真可樂
又聞穀賤歎傷農

叢碧樓

在碧峯寺

松梢遙見剎竿雙，寺後書樓撲且龐。
行亦不辭延遠運，坐惟喜近向陽窓。
葉疎林杪全呈嶺，水退崖根祇剩砵。
猶是昨來題句處，碧雲倏為去聲絳霞降。

西峪

西峪秋深好，林稀見遠巒。
嫩暄稱去聲遊涉，颯景助清歡。

陽巘蕪餘綠，陰崖葉綴丹。
凹中得屋暖，明處凭窓寬。
題壁行將遍，摘毫亦底難。
然當弭吟興，欲以待田盤。

將以迴鑒

之便往田

盤一遊

有真意軒

俯仰風行與水流
太空落落祇清浮
咄哉真意固如是
豈在尋常色相求

入古北口即事

溯游潮水又迴轅
萬壑羣山鎖隘門
塞上秋猶不覺冷

關中曦故喜披溫
行看綠幕連前路

往歲塞外葉落入關猶見綠樹今歲

秋暖塞外樹亦尚未凋

饒積黃埔接野村
剛為吾民慶逢稔
何來

穀賤有煩言

畿輔今歲秋成為數十年所罕遇而民間反有傷農之歎可見人心太不知足其何

以承

天佑

耶為之憮然

題韻松軒

在丫髻山行宮內

種松將欲古形呈十載光陰瞥眼征

未至此者蓋十閱歲矣

迴異

尋常聽謬籟田盤想此遞先聲

自田盤西谷取道達靜寄山莊疊舊作韻

雲表遙瞻雁塔棲菟還便道又循西竄欣暖日峯頭下
不使寒煙谷口迷翠柏丹楓皆舊識千巖萬壑待新題

十年重此邀

慈豫

癸酉秋蒐返轡曾奉

皇太后至此一遊屈指

閱十年矣山路不可行與命王公等扈

輦由

白澗行宮信宿

信宿

至靜寄山莊

安輿為

去聲就低

雙峯寺

雲罩將尋竄上層雙峯先此叩初乘闥排似二而不二

禪會非能已是能對壁何殊晤開士施檀寧為去聲允山

僧

是寺向就頽廢故舊有施檀空切山僧望之句然旋即量為修葺以復舊觀已屢有詩

敗空成

住權胥置悅可山容進步登

詠法藏寺松

法藏松最古一株滿院涼
盤拏張繖蓋蒼翠逼衣裳
祇有青天覆足教白日藏
笑他摩頂樹者箇未能忘

雲罩寺

法藏步予馬雲罩猶天半
有進而無退到亦可一旦調
御夙所識依然滿月面
屏營祇瞻禮奚用名言讚
橫樓啓窓戶匡牀坐霄漢
諸峯拜下風萬象供靜觀

上方寺

落落松風襟袂涼
萬蠶叢裏跋羊腸
上方已自雲中迴
雲罩相衡乃下方

雲椒盤下萬尋強
山寺居然號上方
了識名言那有定
精廬息念領天香

駐蹕靜寄山莊作

層峯暖烘

去聲

小陽曦

時十月朔日

絕勝田盤攬結宜
泉向冷

中飛百道山從老
處露千姿批風抹月幾前度
深翠濃

丹又此時今歲登樓望有喜連村納稼總如茨

題澹懷堂

澹人懷自是深山況值冬山北陟攀竄愛書堂善名副
相於斐几迹幾閒天倪信覺三霄近綺撰應須一例刪
雖以逢年來問景敢忘圖易與思艱

曉

庭柯禽噪聲冬山亦已曉嵐光悅鬚眉旦氣清懷抱紙
窓明更暄東嶺騰朱鳥信可觀希夷且遲窮窈窕閣章

適邇來壁畫晰理道

恭迎

皇太后至山莊

關中塞外有山莊處處時巡

鳳輦將養

志由來期

悅豫

高年所喜正

康強諸峯獻

壽皆堪指萬樹恒春自在芳
今日田疇應慶幸幽人豈
獨樂徜徉

婉孌草堂

流丹飛翠繪冬初覆草書堂可展書
何必婉孌稱嫩景
風人深意每興予

對瀑放歌

避暑山莊曾對瀑縱遙吾已探其源
靜寄山莊亦有瀑

其源未可計里言貞觀遺跡瞭甲石是為小畜始入園
園外千溪復萬澗誰能一一窮靈根落斜曲注勢莫禦
雄排戛擊交騰奔遂至草堂擘崖出香鑪紫煙為仲昆
抑又聞之星宿海其源乃在銀河存視此近遠更何若
一笑擲筆皆戲論

朶山亭

芙蓉一朶萼華敷覆以簷亭十笏踰面壁片時得句返
西來大意是同殊

半天樓

巖樓最上層駐蹕定須登眺聽於焉迴襟懷率可憑問
山入冬淨題壁以年增石鼎茶煙細飛為雲縷凝

雨花室

盤降駢羅萬玉堆雨花之室小延陪文殊有問誠何謂
摩詰無言已費才窓為向陽成久坐山如餉景喜頻來
西峯日影攸攸下恰是其間得句迴

題董其昌婉孌草堂圖

懸田盤婉孌草堂中
即因此圖而得名也

草堂婉孌原如畫又得香光印以圖怪石奔泉自今古
那從形響辨同殊

天成寺

稚冬暖景耐遊山初地天成熟往還一水拖紳延寶筏
兩峯排闥敞禪關鳥非問法皆吟梵僧不看經祇愛閒
霄漢之間萬松在好乘清暇試躋攀

萬松寺

攢簇石林尋逕細遮羅松海得居幽佛無揀擇語如信

那更祇園此處投

寺樓無礙小徘徊
藪藪天花落講臺
遮莫開窓風便入
好山寧可負斯來

西甘澗

萬石叢中幾架庵
有泉於此合稱甘
忽然欲問居庵者
枕漱崇情可解諳

千尺雪

清遊轡轉園門入
茗室憑溪下馬尋
霜葉正酣今日色

石泉弗斷去年音唐寅畫又從頭晤

室中懸唐寅品茶圖

陸羽茶

須滿口斟興在寒山聽雪閣明春不久重

去聲登臨

雲林石室

霜紅圍石室冬翠自雲林箇是盤之阻誠然竊以深有
憑皆古意無處著塵心大士惟趺坐泯觀來去今

題唐寅品茶圖

伯虎品茶掛壁間飄蕭鬚鬢道人顏汲泉煮茗忽失笑
笑我安能似爾閒

農樂軒

引渠種稻面開軒畫趣幽風目擊存農樂今年纔可樂
又思班氏志中言

千相寺

峭蒨中尋路翠蒼裏見天到來停玉勒進步謁金田聞
說空非相靜觀一即千諸峯多喜色日照暖生煙

貯清書屋

硯石居然屋裏存誰能移置動雲根貯來萬古真清氣

彷彿青牛衆妙門

受宜居

山居在何所乃在盤之曲煙雲萬峯供丹青一窓足清
風忽滿林落葉紅藪藪四時無不宜虛受隨人欲然予
絜矩處應是名臣錄

秋巡迴蹕駐御園即事

秋猶年年幸木蘭昨稍紆蹕莅田盤雖然出塞緣習武
以曰遊山乃取歡周度奏章虞意忽歷觀納稼為心寬

獨因兩月踈廷對明日宣看大選官

題沈周寒江垂釣圖

北方過霜降魚已不受餌南方候雖殊雪亦必冬季每
見圖釣雪非吾所曉事過候魚弗餐其餌成虛置或云
災可趨化因及物類或云披蓑翁非釣魚釣意循名諒
亦可責實終何濟

微雨

十月初十日

微雨剛逢翠蹕迴雖非待澤亦時哉多人豈用歌漸石

宿麥方欣利潤茲逾寸已嘉香濕土釀寒乍可凍含苔
晚晴西北游遙目玉積峯尖幾疊皚

詣

暢春園問

皇太后安遂信宿駐御園即景之作

冬節還宮禁侵尋又及旬

園居順

志養駕出敬

安詢陌葉柳全落
盆葩菊尚新
小陽披嫩景
窓紙正溫
閣

蹈和堂

元氣化工氤醇風
萬物欣王褒講德
論曹植事神文靜
挹筦倪趣間披翰
墨芬四情皆中節
不敏願尊聞

張宏靈巖積雪圖

木瀆溪頭直北看
凌空塔影古松攢
分明歷歷曾遊處
所異鋪峯雪色寒

仲冬御園即景

駐園仍以問

安來景氣仲冬又異哉
水半凝冰罷舟泛日全烘
暖愛窓陪護培如法餘
晚菊燠養偷天得早梅
遊目西山已生望何當
積素畫屏開

得趣書屋

書齋號得趣藉問趣若何
春階茸芳草夏池馥淨荷
月竹秋玲瓏雪樹冬婆娑
四時趣如此此亦何足多
伊余

別有託趣不在研摩宣尼為君難三字垂金科誠覺其
趣長躬行勵切磋

招鶴磴口號

放去何須招使迴無過綴景籞園隈羨梁稻者原堪致
真鶴應知未肯來

題煙月清真樓

淡煙寒月一鉤新相入高樓最可人不藉花姿將葉影
難形容處見清真

澹閒室

紅芳早謝花綠蔭全辭樹書室則依然是真澹閒處夫
惟藉資益所以馳思慮將攜皇古書於斯觀太素徒言
不能行少閒明復去

南苑小獵即事襍詠

百年寺宇事重新

苑中永慕寺元靈宮皆因年久重事
新葺茲以仲冬月中浣落成躬詣瞻

禮道便小
試行圓

卜吉落成展禮親小獵却緣來宿便漫同冬

狩擬時巡

木蘭迴後射何曾馬上金弓

御用弓以金
桃皮飾之

勉始勝却覺

屈支失調習可應警語忘

去聲枚乘

今來不是少年身擇地徐馳諫獵循雙兔中連猶覺愧
何當奇事賦文人

題裕性軒

裕性昔軒墀每來愛憩遲庭無新卉植架有舊書披
晰理惟格物踐行在克私樂羣斯敬業慕憶少年時

澹思書屋

量地得齋小非希安膝容圖暄依牖朗避冷下簾重董
遇三餘樂東方一帙逢澹人思慮者宜寂是清冬

陶春室

小春方過新春遠代謝誰能問大撓一室漫言無長
物幾多生意箇中陶

永慕寺

永慕建

康熙

是寺

皇祖所建蓋祝
太皇太后故也

孝莊虔祝釐遙年重煥若此日落成之佛豈故新繫寺
資脩葺為無須稱大舜

家法仰昭垂

舊衙門行宮小憩

羃羃野烟淒朝暎吐尚低傳餐行館近禮謁玉臺溪舊
詠從新讀目成觸緒題閒庭喬樹古付與擇禽棲

蔭榆書屋口號

書屋重來已隔年坐傾杯茗又鳴鞭忽忽似此渾無暇

安得優游讀舊編

謁元靈宮即事

百年

天宇煥今朝

宮自順治十四年
建逮今蓋百年矣

慶落涓辰對

赫昭浮柱神扶俯寥廓洪階躬陟仰岌崑穆然匪冀喬
仝遇顯若惟祈風雨調古柏蒙籠護懸圃微颺疑奏九
靈簫

題錢選雪梅集禽圖

何須名辨百禽經高下梅梢夢半醒各各冰心蘊芳意
可知繪者善形

臨協辦大學士尚書武毅謀勇公兆惠第酌酒

重坎昔已濟百年今忽消大星落昨夜密席尚前朝

前日

養心殿軍機大臣等同進朕謂宜就第攝養昨日兩
命御前侍衛挾醫往視稱小差今早亟問則報逝矣一
痛嗟何及千勞憶匪遙恨無執手訣城關鎖深宵

伊犁大熟三疊杜甫送高三十五書記詩韻

昨聞二麥熟額慶

惠我師穀黍其如何尤殷牽念為即今逮仲冬始接郵
遞飛董率既有方屯田況健兒地厚富水泉豐收其奚
辭厄魯懷我澤哈薩畏我威極邊成樂土

天恩人盡知感

恩猶切知怵惕慎威儀回憶舉事時督責揚軍麾窮荒
竟成用獲匪所敢思城成戶漸徙已非草創時

伊犁自固爾扎

烏哈爾里克等處次第築城竣事屯政日開官兵回人
暨腹地遷居戶口聚落殷盛歲歲獲迭增至本年倍稔自
二十分至二十二分已上計常給廩秋獵山之原春耕
糴外贏羨陳陳相因聞報彌深感慶

水之涯家室俾團聚誰知離析悲一二竄逐者自取罰
應隨然豈終投荒稍遲當令歸紀實並誌懷斐然用成
詩

冬至

南郊禮成述事

運斗搖樞北中繩見

天心日聲

裡應式儀洞屬升三獻調律和諧引八能綏屢同民沐

乾賦

今年各省多獲有收直隸

尤稱倍稔為十殊施彌增忻悚捧盈切

已凜冰兢

五朝左右膺多福敢不

鴻禧疊繼承

雪

十二月初六日

入冬雖盼六花舒又慮無厭蜀望予

今歲秋成倍稔入冬雖望雪然自知

求全太過且地氣含潤冬至亦遲故不至迫切窘待今得此瑞澤尚在臘日前欣承之下益生全美之懼耳

甘澤那辭預霑也碩苗真是莫知如灑空猶在一陽節

臘月十四小寒
積地已將三寸餘穀稔復斯欣卜麥怵
方為十二月節

思美善若何居

新論知盛滿之難
持每居德而謙沖

臘日悅心殿侍

皇太后膳疊去歲詩韻

高低四寸雪鋪平萬歲巒光暎座晴

瓊華島元時
為萬歲山

一例

臘前霑愷澤

去歲臘前一日得雪
今歲臘前二日得雪

千林培後毓和榮

每逢

雪後今步軍收培樹根既不虛瑞澤
亦因以行賞通年以來率成例矣

皚皚玉巘畫中列

轆轤冰沐鏡裏行今日

慈心真是悅

壽籌添擬海山盈

雪


臘月廿三日

昨朝入夜撒晶鹽
京兆欣稱二寸霑
曉起濃陰仍冀霽
春前膏澤敢推廉
花生雞樹不論朶
玉積鴛樓欲隱檐
錫福小除真大瑞
對時慶畏一心兼

甲申除夕

金鑪寒已送玉琯
斗將迴今夕甲申
盡明朝乙酉來登

倉歲誠稔鋪閣雪猶皚處上聲順易生豫吾惟懋敬哉



御製詩三集卷四十二